

լաները, վանքերն ու ամրոցները: Այս առուակները հակառակ կողմից՝ աջից խառնուում են Ճորոխին Կուղքաշէն, Կարմրիք, Քարամէնիք, Նիխալս-աջ, Չարկոնց, Օշնակ, Ղազերնիս կամ Կազերնիա¹, Կեանգնիս, Լէմս, Կիսկիմ, Կիսկիմ-բերդ², Կոջէք-ամրոց³, Հարշիշ⁴ (Հրսիս), Փէշկով, Ջիլի,

1 Բեջիզին լեռների վրայ նրանց լանջին է Կազեր-նիսը, որը Կազ կամ Կայծ բառն է յիշեցնում: Ընդհանրապէս ժողովուրդը Կազերենց է անուանում:

2 Կիսկիմ, Կիցկիմ, Կիցկա, Կեսիշիմ անուաներով շատ վաղ ժամանակներից յայտնի է այս բերդը: Ըստ Սանդալճեանի նոյն իսկ Ասորա-Ուրարտական ընդհարումների արձանագրութեան մէջ անցած է այս անունը: Կիսկիմը եղել է Մամիկոնեանների բերդը եւ երկար ժամանակ իշխել է գաւառին: Թորգոմի մէջ կայ նոյնպէս Քսիսաձոր առուակ եւ գեղ, այնպէս է որ այս անունը շատ գործածուած է եւ նշանակութիւնը պարզուած չէ:

3 Իրիս-բերդից մի կիլոմետր հիւսիս Ճորոխի ձախափին կանգնած են Կոջէթի աւերակները, բերդի պարիսպները եւ կործանուած դղեակները: Կոջէթի ամրոցը ցայց է տալիս, որ միեւնոյն նախարարը իրար մօտ շինել էր տալիս ամրոց-բերդ, գանձարան, կանանոց, մանկանոց, որոնք իրար հետ յաճախ ներքին կապով էին միացած: Նոյն իսկ 4—5 կիլոմետր աւելի բարձրութեան՝ Ալմուշէն լեռների ստորոտում ունի երրորդ եւ աւելի բարձր ամրոց-բերդը: որն հակում է Կոջէթի եւ Իրիսի բերդերին:

4 Հարշիշ, կառավարական անունը Հրսիզ է. բայց ժողովուրդը կանչում է Հարշիշ, Կարմրիկցի եւ Հնուացի Հայերը այդ գեղն անուանում են Ֆէրշիշ: Երեւում է, որ Թն՝ Ֆի եւ ապա Հի է փոխուել սովորական կարգով Եթէ իսկապէս Թարշիշ է, ուրեմն այս գեղն էլ կապում է Հաթիթական Եփրատի ափի եւ Կիլիկեան ափի Թարշիշների կամ Թարսիսների հետ — Տարոս, որով աւելի է հաստատում Տայոց աշխարհի յարաբերական կապերը Հաթիթների եւ ստորին Միջագետքի Ակկադ-Շումերների հետ: